

針灸大成

治症總要

一論中風但未中風時一兩月前或三四月前不時足脛上發痠重麻良久乃解此將中風之候也。宜即灸三里絕骨四處各三壯後用生葱薄荷桃柳葉四味煎湯淋洗灸令桂逐風氣自瘡口出如春夏之交時夏秋時俱宜灸常令二足有灸瘡為妙但人不信此法飲食不節酒食過度卒忽中風可于七處一齊俱灸各三壯偏左灸右偏右灸左百會耳前穴也

第一陽症中風不語手足癱瘓者○合谷 肩髃 手三里 百會 肩井 風市 環跳 足三里 委中陽陵泉

手足後針 有病手足

第二陰症中風半身不遂拘急手足拘攣此是陰症也亦依治之但先補後瀉

第三中暑不省人事○人中 合谷 內庭 百會 中極 氣海

問曰中暑當六七月間有此症或八九月十月亦有此症從何而得答曰此症非一醫者不省當以六七月有之如何八九十月亦有之皆因先感暑氣流入脾胃之中串入經絡灌漑相併或因怒氣觸動或因過飲恣慾傷體或外感風至八九月方發乃難治也六七月受病淺風疾未盡血氣未竭體氣未衰此為易治復刺後穴○中衝行間 曲池 少澤

第四中風不省人事○人中 中衝 合谷

問曰此病如何而來已上穴法針之不效奈何答曰針力不到補瀉未明氣血錯亂或去針速故不效也前穴未效復刺後穴

啞門 大敦

第五中風口噤不開○頰車 人中 百會 承漿 合谷 俱宜瀉

問曰此症前穴不效何也答曰此皆風痰灌注氣血錯亂陰陽不升降致有此病復刺後穴○廉泉 人中

第六半身不遂中風○絕骨 崑崙 合谷 肩髃 曲池 手三里 足三里

問曰此症針後再發何也答曰針不知方寸補瀉不明不分虛實其症再發再針前穴復刺後穴○肩井 上廉委中

第七口眼喎斜中風○地倉 頰車 人中 合谷

問曰此症用前穴針效一月或半月復發何也答曰必是不禁房勞不節飲食復刺後穴無不效也○聽會 承漿 醫風

第八中風左癱右瘓○二里 陽谿 合谷 中渚 崑崙 行間 陽輔

問曰數穴針之不效何也答曰風痰灌注經絡血氣相搏再受風寒濕氣入內凝滯不散故刺不效復刺後穴先針無病手足後針有病手足

風市 丘墟 陽陵泉

第九正頭大痛及腦頂痛○百會 合谷 上星

問曰此症針後一日二日再發甚于前何也答曰諸陽聚會頂上合用先補後瀉宜補多瀉少其病再發愈重如前法宜瀉之無不效也復針後穴真頭痛且發夕死夕發旦死醫者當用心救治如不然則難治○神庭 太陽

第十偏正頭風○風池 合谷 絲竹空

問曰已上穴法刺如不效何也答曰亦有痰飲停滯胸膈賊風串入腦戶偏正頭風發來連臂內痛或手足沉冷久而不治變為癱瘓亦分陰陽針之或針力不到未效可刺中脘以疏其下病次針三里瀉去其風復針前穴○中脘 三里 解谿

第十一頭風目眩○解谿 豐隆

問曰此症刺效復發何也答曰此乃房事過多醉飽不避風寒而卧賊風串入經絡冷症再發復針後穴○風池 上星 三里

第十二頭風頂痛○百會 後頂 合谷

問曰頭頂痛針入不效者再有何穴可治答曰頭頂痛乃陰陽不分風邪串入腦戶刺故不效也先取其痰次取其風自然有
效○中脘 三里 風池 合谷

十三醉頭風○攢竹 印堂 三里

問曰此症前穴針之不效何也答曰此症有痰飲停于胃脘口吐清涎眩暈或三日五日不省人事不進飲食名曰醉頭風先去其氣化痰調胃進食然後去其風痛也○中脘 胃中 三里 風門

第十四目生翳膜○睛明 合谷 四白

問曰已上穴法刺之不效何也答曰此症受病既深未可一時便愈須是二三次針之方可有效復刺後穴○太陽 光陰

大骨空 小骨空

第十五迎風冷泪

問曰此症緣何而得答曰對酒當風或暴赤或痛不忌房事恣意好食燒肉內物婦人多因產後不識迴避當風坐卧賊風串入目中或經事交感穢氣衝上頭目亦成此症復刺後穴○小骨空 治男婦醉後當風 三陰交 治婦人淚孔上 米大艾灸 中指半指尖

米大艾灸 三壯效

第十六目内生障○童子膠 合谷 臨泣 睛明

問曰此症從何而得此氣中針之不效何也答曰此氣係肝血不流含腎水枯竭氣血耗散臨患之時不能節約恣意房事用心過多故得此症亦難治痛復刺後穴○光明 天府 風池

第十七目患外障○小空膏 太陽 睛明 合谷

問曰此症緣何而得答曰頭風灌注瞳人血氣湧溢上盛下虛故有此病刺前不效復刺後穴二三次方愈○臨泣 攢竹

三里 內腎尖

灸五壯即
眼頭尖上

第十八風沿眼紅溢爛○睛明 四白 合谷 臨泣 二間

問曰針之不效何也答曰醉飽行房血氣凝滯痒而不散用手摸指賊風乘時串入故得此症刺前不效復刺後穴○三里

光明

第十九眼赤暴痛○合谷 太陽 睛明

問曰此症從何而得答曰時氣所作血氣壅滯當風睡卧飢飽勞役故得此症復刺後穴○太陽 攢竹 絲竹空

第二十眼紅腫痛○睛明 合谷 四白 臨泣

問曰此症從何而得答曰皆因腎水受虧心火上炎肝不能制心肝二血不能歸元血氣上壅灌注瞳人赤脈貫睛故不散復

刺後穴○太谿 腎俞 行間 營宮

第二十一努肉侵睛○風池 睛明 合谷 太陽

問曰此症從何而得答曰或因傷寒未解却有房室之事上盛下虛氣血上壅或頭風不早治血貫瞳人或暴下赤痛或因氣

傷肝心火炎上故不散也及婦人產後怒氣所傷產後未滿房事觸動心肝二經飲食不節飢飽醉勞皆有此症非一時便可

治療漸而為之無不效也復針後穴○風池 期門 行間 太陽

第二十二淚目羞明○小骨空 合谷 攢竹 二間

問曰此症從何而得答曰皆因暴病未愈在路迎風串入眼中血不就舍肝不藏血風毒貫入親光冷泪自出目見日影乾澀

冷痛復刺後穴○睛明 行間 光明

第二十三鼻塞不聞香臭○迎香 上星 五處 未髎

問曰此症緣何而得針數穴皆不效答曰皆因傷寒未解毒氣衝腦或生鼻痔腦中大熱故得此症復刺後穴○水溝 風府

百勞 大淵

第二十四鼻流清涕○上星 人中 風府

問曰此症緣何而得答曰皆因當風不解咳嗽痰涎及腦寒致痛故得此症復針後穴○百會 風池 風門 百勞

第二十五腦寒濕臭○上星 曲差 合谷

問曰此症緣何而得答曰皆因鼻衄不止用藥吹入腦戶毒氣攻上腦頂故流鼻臭也復刺後穴○水溝 迎香

第二十六鼻淵鼻痔○上星 風府

問曰此針穴未效復刺何穴答曰更刺後穴○禾醪 風池 人中 百會 百勞 風前

第二十七鼻衄不止○合谷 上星 百勞 風府

問曰此症因何而得出血不止答曰血氣上壅陰陽不能升降血不宿肝肝主藏血血熱妄行故血氣不順也針前不效復刺

後穴○迎香 人中 印堂 京骨

第二十八口内生瘡○海泉 人中 承漿 合谷

問曰此症緣何而得答曰上盛下虛心火上炎脾胃俱敗故成此症復刺後穴○金針 玉液 長強

第二十九口眼喎斜○頰車 合谷 地倉 人中

問曰此症從何而得答曰醉後睡臥當風賊風串入經絡痰飲流注或因怒氣傷肝房事不節故得此症復刺後穴○承漿

百會 地倉 童子膠

第三十兩頰紅腫生瘡一名枯曹風楮腮風○合谷 列缺 地倉 頰車

問曰此症從何而得答曰熱氣上壅痰滯三焦腫而不散兩腮紅腫生瘡名曰枯曹風復刺後穴○承漿 三里 金針 玉液

第三十一舌腫難語○廉泉 金津 玉液

問曰此症從何而得答曰皆由濕痰滯于石根宿熱相搏不能言語故令舌腫難言復刺後穴○天突 少商

第三十二牙齒腫痛○呂細 頰車 龍玄 合谷

第三十三上片牙痛○呂細 大淵 人中

第三十四下片牙痛○合谷 龍玄 承漿 頰車

問曰牙疼之症緣何而得答曰皆因腎經虛敗上盛下虛陰陽不升故得前症復刺後穴○腎俞 三間 二間

第三十五耳內生瘡○腎俞 三間 合谷

問曰此症從何而得答曰皆因房事不節腎經虛敗氣血耗散故得此症復刺後穴○太谿 聽會 三里

第三十六耳紅腫痛○聽會 合谷 頰車

問曰此症腫痛何也答曰皆因熱氣上壅或因激耳觸傷氣不散及傷寒不解故有此症不可一例針灸須辨問端的針之無不效也復刺後穴○三里 合谷 翳風

第三十七聾耳生瘡出膿水○翳風 合谷 耳門

問曰聾耳生瘡出膿水嘗聞小兒有此症答曰沐浴水歸耳內故有大人或因剔耳觸動耳黃亦有水誤入耳內故如此復刺後穴○聽會 三里

第三十八耳聾氣閉○聽會 聽會 翳風

問曰此症從何而得答曰傷寒大熱汗閉氣不舒故有此症前針不效復刺後穴○三里 合谷

第三十九手臂麻木不仁○肩髃 曲池 合谷

問曰此症從何而得答曰皆因寒濕相搏氣血凝滯故麻木不仁也復刺後穴○肩井 列缺

第四十手臂冷風痠痛○肩井 曲池 手三里 下廉

問曰此症從何而得答曰寒邪之氣滲入經絡夜臥涼枕竹簟漆凳冷處睡着不知風濕流入經絡故得此症復刺後穴○手三里 解渠 上廉

第四十一手臂紅腫疼痛○三里 曲池 通里 中渚

問曰此症緣何而得答曰氣血壅滯流而不散閉塞經絡不通故得此症復刺後穴○合谷 尺澤

第四十二手臂紅腫及疽○中渚 液門 曲池 合谷

問曰此症緣何而得答曰血氣壅滯皮膚癢痒用熱湯泡洗而傷紅腫故得此症久而不治變成手臂疽復刺後穴○上都

第四十三手臂拘攣兩手筋緊不開○陽池 合谷 尺澤 曲池 中渚

問曰此症從何而得答曰皆因濕氣處卧暑月夜行風濕相搏或酒醉行房之後露天而卧故得此症復刺後穴○肩髃 中渚 少商 手三里

第四十四肩背紅腫疼痛○肩髃 風門 中渚 大抒

問曰此症從何而得答曰皆因腠理不密風邪串入皮膚寒邪相搏血氣凝滯復刺後穴○膏肓 肺俞 肩髃

第四十五心胸痛○大陵 內關 曲澤

問曰此症從何而出答曰皆因停積或因食冷胃脫冷積作楚心痛有九種有虫食痛者有心脾冷痛者有陰陽不升降者有怒氣冲心者此症非一推詳其症治之○中腕 上腕 三里

第四十六脇肋疼痛○支溝 章門 外關

問曰此症從何得之答曰皆因怒氣傷肝血不歸元觸動肝經肝藏血怒氣甚肝血不歸元故得是症亦有傷寒後脇痛者亦挫閃而痛者不可一例治也宜推詳其症治之復刺後穴○行間 治渴肝經 治怒氣 中封 期門 治傷寒 後脇痛 陽陵泉 治挫

第四十七腹內疼痛○內關 三里 中腕

問曰腹內疼痛如何治痛答曰失飽傷飽血氣相爭榮衛不調五藏不安寒濕中得此或冒雨被風醉飽行房飲食不化亦有此症必急治療為腎虛敗毒氣冲歸臍腹故得此症如不愈復刺後穴○闕元 水分 天樞 飢飽

第四十八小腹脹滿○內庭 三里 三陰交

問曰此症針入穴法不效何也答曰此因停飲不化腹脹此症非一有膀胱疝氣冷築疼痛小便不利脹滿疼痛大便虛空脹滿疼痛推詳治之再刺後穴○照海 大敦 中腕 先補氣海 專治婦人血塊 攻築疼痛 小便不利 婦人諸般氣痛

第四十九兩足麻木○陽輔 陽交 絕骨 行間

問曰此症因何而得答曰皆為濕氣相搏流入經絡不散或因酒後房事過多寒暑失益致有此症復針後穴○崑崙 絕骨 三陰

第五十兩膝紅腫疼痛○膝關 委中

問曰此症從何而來答曰皆因脾家受濕痰飲流注此疾非一或因刺後寒邪入于經絡遂有此症或傷寒流注亦有此症復刺後穴○陽陵泉 中腕 豐隆

第五十一足不能行○丘墟 行間 崑崙 太衝

問曰此症從何而得答曰皆因醉後行房腎經受虧以致足弱無力遂致不能行步前治不效復刺後穴○三里陽輔 三陰 復溜

第五十二脚弱無力○公孫 三里 絕骨 申脉

問曰此症從何而得答曰皆因濕氣流于經絡血氣相搏或因行房過勞力或因行房有濕筋骨致成此症復針後穴○崑

第五十三紅腫脚氣生瘡○照海 崑崙 京骨 委中

問曰此症前穴不愈何也答曰氣血凝而不散寒熱久而不治變成其疾復刺後穴○三里 三陰交

第五十四脚背紅腫痛○大衝 臨泣 行間 內庭

問曰此症從何而得答曰皆因勞役過多熱湯泡洗血氣不散以致紅腫疼痛宜針不宜灸○丘墟 崑崙

第五十五穿跟草鞋風○照海 丘墟 商丘 崑崙

問曰此症緣何而得答曰皆因勞役過多濕氣流注而冷或因大熱行路冷水浸洗而成此疾復刺後穴○大衝 解谿

第五十六風痛不能側舉步艱難○環跳 風市 崑崙 居膠 三里 陽陵泉

問曰此症緣何而得答曰皆因房事過多寒熱地土睡臥流注經絡挫閃後腰疼痛舉止艱難前穴不效復刺後穴○五樞

陽輔 支溝

第五十七腰脚疼痛○委中 人中

第五十八腎虛腰痛○腎俞 委中 太谿 白環俞

第五十九腰脊強痛○人中 委中

第六十挫閃腰脇痛○尺澤 委中 人中

問曰此症從何而得答曰皆因房事過多勞損腎經精血枯竭腎虛腰痛負重遠行血氣錯亂胃熱血不歸元是以腰痛或因

他事所關氣攻兩脇疼痛故有此症復刺後穴○崑崙 束骨 支溝 陽陵泉

第六十一渾身浮腫生瘡○曲池 合谷 三里 三陰交 行間 內庭

問曰此症從何而得答曰傷飢失飽房事過度或食生冷

第六十二四肢浮腫○中都 合谷 三里 中渚 液門

問曰此症從何而得答曰皆因飢寒邪入經絡飲水過多流入四肢或飲酒過多不避風寒致有此症復針後穴○行間 內

庭 三陰交 陰陵泉

第六十三單虫脹○氣海 行間 三里 內庭 水分 食關

第六十四雙虫脹○支溝 合谷 曲池 水分

問曰此症從何而得答曰皆因酒色過多內傷臟腑血氣不週遂成蠱脹飲食不化痰積停滯渾身浮腫生水小便不利血氣不成則四肢浮腫胃氣不足酒氣不節則單蠱脹也腎水俱涸水火不相濟故令双蠱脹症本難治療醫者當詳細推之○三里 三陰交 行間 內庭

第六十五小便不利○陰陵泉 氣候 三陰交

問曰此症緣何得之答曰皆因膀胱邪氣熱蘊不交或勞役過度怒氣傷胞則氣閉入竅中或婦人轉胞皆有此症復刺後穴

○陰谷 大陵

第六十六小便滑數○中極 腎俞 陰陵泉

問曰此症為何答曰此膀胱受寒腎經滑數小便冷痛頻頻淋瀝復針後穴○三陰交 氣海

第六十七大便秘結不通○章門 太白 照海

問曰此症從何而得答曰此症非一有熱結有冷結宜先補後瀉

第六十八大便秘瀉不止○中脘 天樞 中極

第六十九赤白痢疾如赤○內庭 中樞 隱白 氣海 照海 內關 如白裏急厚重大痛者 外關 中脘 隱白

天樞 申脉

第七十臟毒下血○承山 脾俞 精宮 長強

第七十一脫肛久痔○二白 百會 精宮 長強

第七十二脾寒發瘧○後谿 間使 大椎 身柱 三里 絕骨 合谷 膏肓

第七十三瘧先寒後熱○絕骨 百會 膏肓 合谷

第七十四瘧先熱後寒○曲池 統補 絕骨 先瀉 膏肓 百勞

第七十五熱多寒少○後谿 間使 百勞 曲池

第七十六寒多熱少○後谿 百勞 曲池

問曰此症從何感來答曰皆因脾胃虛弱夏傷于暑秋必成瘧有熱多寒少單寒單熱氣盛則熱多痰盛則寒多是皆痰飲停滯氣血耗散脾胃虛敗房事不節所致或一日一發間日一發或三日一發者久而不治變成大瘧瘧後有浮腫有虛勞有大便利有腹腫蠱脹者或飲水多腹內有痞母者須用調脾進食化痰飲六法依前治之

第七十八翻胃吐食○中脘 脾俞 中魁 三里

第七十八飲水不能進為之五噎○營宮 中魁 中脘 三里 大陵

問曰翻胃之症從何而得針法所能療否答曰此症有可治者有不可治病初來時皆因酒色過度房事不節胃家受寒嘔吐酸水或食物即時吐出或飲食後一日方吐者二三日方吐者隨時吐者可療三兩日吐者乃脾胃絕枯不能克化水穀故有五噎者氣噎水噎食噎勞噎思噎宜推詳治之復刺後穴○脾俞 胃俞以壯少補中 太白 下脘 食關

第七十九哮喘咳嗽○膻府 天突 中脘 肺俞 三里 中脘

問曰此症從何而得答曰皆因 熱酸魚腥之物及有風邪痰飲之類串入肺中怒氣傷肝乘此怒氣食物不化醉酒行房不能節約此亦非一也有水哮喘飲水則發有氣哮喘怒氣所感寒邪相搏痰飲壅塞滿則發鹹哮喘則食鹽物發或食炙煖之物則發醫者當用意推詳小兒此症尤多復刺後穴○膏肓 氣海 關元 乳根

第八十咳嗽紅痰○百勞 肺俞 中脘 三里

問曰此症緣何而得答曰皆因色慾過度脾 俱敗怒氣傷肝血不歸元作成痰飲串入肺經久而不治變成癆瘵復刺後穴

○膏肓 腎俞 乳根

第八十一吐血等症○中脘 氣海 三里 乳根 支溝

問曰此症緣何而得何法可治答曰皆因憂愁思慮七情所感內動于心即傷于神外勞于形即勞于精古人言心生血肝納血心肺二經受熱心火上炎氣血上壅腎水枯竭不交濟故有此症須分虛實不可概治○肺俞 腎俞 心俞 膏肓 乳根

第八十二肺癰咳嗽○肺俞 中脘 乳根 風門 缺盆

問曰此症從何而得答曰因於傷風表裏不解咳嗽不止吐膿血是肺癰也復刺後穴○風門 三里 支溝

第八十三久嗽不愈○肺俞 三里 中脘 乳根 風門 缺盆

問曰此症從何而得答曰皆因食寒物傷肺酒色不節或傷風不解痰流經絡咳嗽不已可刺前穴

第八十四傳尸勞瘵○鳩尾 肺俞 中極 四花_先

問曰此症從何而得答曰皆因飽後行房氣血耗散勞瘵傳尸以致滅門絕戶者有之復刺後穴○中脘 泉湧 百會 膏

肓 三里 中里

第八十五消渴○金津 玉液 承漿

問曰此症從何而得答曰皆為腎水枯竭水火不濟脾胃俱敗久而不治變成背疽難治矣復刺後穴○海泉 人中 廉泉

氣海 腎俞

第八十六遺精白濁○心俞 腎俞 關元 三陰交

問曰此症從何而得答曰皆因房事失宜驚動于心內不納精外傷于腎憂愁思慮七情所感心腎不濟人漸疴羸血氣耗散故得此症復刺後穴○命門 白環俞

第八十七陰 虛弱○中極 太谿 復溜 三陰交

問曰此症從何而得答曰皆為年少之時妄用金石他藥有傷並孔使令陰陽交感不能發泄故生此症復刺後穴○血郄

中極 海底 內關 陰陽泉

第八十八陰汗偏墜○蘭明 三陰交

第八十九本腎不痛腫如升○歸來 大敦 三陰交

第九十奔豚乳弦○關元 關門 水道 三陰交

問曰此三症因何而得答曰皆為酒色過度腎水枯竭房事不節精氣無力陽事不興強而為之精氣不能泄外流入胞中此非一或腫如升或偏墜疼痛如雞子之狀按上腹中則作聲此為乳弦疝氣也宜針後穴○海底 歸來 關元 三陰交

第九十一婦人赤白帶下○氣海 中極 白環俞 腎俞

此症從何而得答曰皆因不惜身體恣意房事傷損精血或經行與男子交感內不納精道下白水變成赤白帶下復刺

○氣海 三陰交 陽交補少

九十二婦人無子○子宮 中極

九十三婦人多子○石門 三陰交

第九十四經事不調○中極 腎俞 氣海 三陰交

第九十五婦人難產○獨陰 合谷 三陰交

第九十六血崩漏下○中極 子宮

第九十七產後血塊痛○氣海 三陰交

第九十八胎衣不下○中極 三陰交

第九十九五心煩熱頭目昏沉○合谷 百勞 中泉 心俞 勞宮 湧泉

問曰此症因何而得答曰皆因產後勞後邪風串入經絡或因子動太過而得亦有室女得此症何也答曰或陰陽不和氣血湧滿而得之者或憂愁思慮而得之者復刺後穴○少商 曲池 肩井 心俞

第一百陰門忽然紅腫痛○會陰 中極 三陰交

第一百一婦女血崩不止○丹田 中極 腎俞 子宮

問曰此症從何而得答曰乃經行與男子交感而得人漸羸瘦外感寒邪內傷于精寒熱往來精血相搏內不納精外不受血毒氣衝動子宮風邪串入肺中咳嗽痰飲故得此症如不明脉之虛實作勞治之非也或有兩情交感百脈錯亂血不歸元以致如斯者再刺後穴○百勞 風池 膏肓 曲池 絕骨 三陰交

第一百二婦人無乳○少澤 合谷 臍中

第一百三乳癰針刺○臍中 大陵 委中 少澤 俞府

第一百四月水斷絕○中極 腎俞 合谷 三陰交

問曰婦人之症如何不具後穴答曰婦人之症難以再具止用此穴法無不效再宜辨脈虛實調之可也

第一百五渾身生瘡○曲池 合谷 三里 行間

第一百六發背癰疽○肩井 委中 天應 騎竹馬

或謂陰疽滿背無頭何法治之答曰可用濕泥塗之先乾處用蒜錢貼之如法灸可服五香連翹散數貼發出

第一百七腎臟風瘡○血郛 三陰交

第一百八疔瘡以針挑有血可治無血不可治○合谷 曲池 三里 委中

第一百九夾黃脇也○支溝 委中 肩井 陽陵泉

第一百十傷寒頭痛○合谷 攢竹 太陽後紫

第一百十一傷寒脇痛○支溝 章門 陽陵泉 委中 出血

第一百十二傷寒胸脇痛○大曲 期前 臍中 營宮

第一百十三傷寒大熱不退○曲池 絕骨 三里 大椎 湧泉 合谷俱宜

第一百十四傷寒熱退後餘熱○風門 合谷 行間 絕骨

第一百十五發狂不識尊卑○曲池 絕骨 百勞 湧泉

第一百十六傷寒發瘧不省人事○曲池 合谷 人中 復溜

第一百十七傷寒無汗○內庭 湧合谷 補復溜 湧百勞

第一百十八傷寒汗多○內庭 合谷 湧復溜 補百勞

第一百十九大便不通○章門 照海 支溝 太白

第一百二十小便不通○陰谷 陰陵泉 中陰 陰症多

第一百二十一六脉俱無○合谷 復溜 中陰 陰症多

第一百二十二傷寒發狂○期門 氣海 外關 湧泉

第一百二十三傷寒發黃○腕骨 申脉 外關 湧泉

第一百二十四咽喉腫痛○少商 天突 合谷 金津 玉液

第一百二十五双乳蛾症○少商 金谷 海泉

第一百二十六單乳蛾症○少商 金谷 海泉

第一百二十七小兒赤游風○百會 委中 曲池 三里 委中

第一百二十八渾身發紅丹○百會 曲池 三里 委中 湧泉 治身黃中脫 膏肓 丹田 治色 陰陵泉 治黃

第一百二十九黃疸發虛浮○腕骨 百勞 三里 塊中 塊尾

第一百三十肚中氣塊痞塊積塊○三里 塊中 塊尾 湧泉 心俞 百會

第一百三十一五癰等症○上星 鬼祿 鳩尾 湧泉 心俞 百會

第一百三十二馬癰○照海 鳩尾 心俞 素鬱 湧泉

第一百三十三風癰○神庭 素鬱 湧泉 中脘 少商

第一百三十四食癰○鳩尾 中脘 少商 鳩尾 中脘 少商 巨闕

第一百三十五猪癰○湧泉 心俞 三里 鳩尾 中脘 少商 巨闕
問曰此症從何而得答曰皆因寒痰結胃中失志不定遂成數症醫者推詳治之無不效也

第一百二十七口鼻難近○斷文 承漿

問曰此症從何而得答曰皆因用心過度勞役不已或不漱牙藏宿食以致穢臭復刺後穴○金津 玉液

第一百三十八小兒肚脫○百會 長強 大腸俞

第一百三十九霍亂轉筋○承山 中封

第一百四十霍亂吐瀉○中脘 天樞

第一百四十一咳逆發噎○臍中 中脘 大陵

問曰此症從何而得答曰皆因怒氣傷肝胃氣不足亦有胃受風邪痰飲停滯得者亦有氣逆不順者故不一也刺前未效復

刺後穴○三里 肺俞 行間滿肝經 怒氣

第一百四十二健忘失記○列缺 心俞 神門 少海

問曰此症從何而得答曰憂怒慮慮內動于心外感于情或有痰涎灌心竅七情所感故有此症復刺後穴○中脘 三里

第一百四十三小便淋瀝○陰谷 關元 氣海 三陰交 陰陵泉

問曰此症從何而得答曰皆為酒色嗜慾不節勉強為之少年之過或用金石熱劑或小便急行房事或交感之際被人衝

不能完事精不施泄陰陽不得舒通緣此症非一有砂淋有熱淋有冷淋有氣淋血淋請詳審治之

第一百四十四重舌腫痛○合谷 承漿 金津 玉液 海泉 人中

第一百四十五便毒癰疽○臍中 承漿 三陰交

第一百四十六瘰癧結核○肩井 曲池 天井 三陽絡 陰陵泉

第一百四十七發痧等症○分水 百勞 大陵 委中

第一百四十八牙關脫白○頰車 百勞 承漿 合谷

第一百四十九舌強難言○金津 玉液 廉泉 風符

第一百五十口吐清涎○大陵 臍中 中脘 勞宮

第一百五十一四肢麻木○肩髃 曲池 合谷 腕骨 風市 臍髎 行間 三里 絕骨 委中 通里 陽陵泉

此症宜補多瀉少如手足紅腫宜補少瀉多

東垣針法

東垣曰黃帝鍼經胃病者胃脘當心而痛上支兩脇膈咽不通飲食不下取三里以補之

脾胃虛弱感濕成痿汗大泄妨食○三里 氣衝 以三稜針出血若汗不減不止者于三里穴下三寸 上廉 穴出血 禁酒忌濕麪

東垣曰黃帝鍼經云從下上者引而去之上氣不足推而揚之蓋上氣者心膈上焦之氣陽病在陰從陰引陽去其邪氣於腠理皮毛也又云視前痛者當先取之是先以繆刺去其經絡之壅者為血凝而不流故先去之而治他病

東垣曰胃氣下溜五臟氣皆亂其為病互相出見黃帝曰五亂刺之有道乎歧伯曰有道以來有道以去審知其道是謂身寶黃帝曰願聞其道歧伯曰氣在于心者取之手少陰心主之俞○神門 大陵同精導氣以復其本位

氣在于肝者取之手太陰經前○魚際 太淵 成痿者以導濕熱引胃氣出陽道不令濕土剋腎其穴在 太谿

氣在于腸胃者取之足太陰陽明不下者取之○三里 章門 中脘 因足太陰虛者于募穴中導引之於穴中有一說 治 去膈病也胃虛而致太陰無所稟者于足陽明之募穴中引導之如氣逆為霍亂者取○三里 氣下乃止不下復

氣在于頭取之○天柱 大抒 不足取之足太陽榮俞○通谷 束骨 先取天柱大抒不補不瀉以導氣而已取足太陽

勝胱經中不補不瀉深取通谷束骨丁心火已脾土穴以引導去之

氣在於臂足取之先取血脉後取其手足陽明之榮俞 二間 三間 深取之 內庭 陷谷 深取之 視其足臂之血

絡盡取之後治其委厥皆不補不瀉從陰深取引而上之上者出也去也皆陰火有餘陽氣不足伏匿于地中者榮血也當

從陰引陽先于地中升舉陽氣次瀉陰火乃導氣同精之法

帝曰補瀉奈何曰徐入徐出謂之道氣補瀉無形謂之同類是非有餘不足也亂氣之相逆也帝曰允乎哉道明乎哉問請者

之玉版命曰治亂也

東垣曰陰病治陽陽病治陰陰陽應象論曰審其陰陽以別柔剛陰病治陽陽病治陰定其血脉各守其鄉血實宜決之虛實

宜導引之○夫陰病在陽者是天外風寒之邪乘中而外入在人之背上膈俞臟俞夫人之受天外寒邪亦有二說中于陽

則流于經此病始于外寒終歸外熱故以知風病之邪治其各臟之俞非止風寒而已六淫濕暑燥火皆五臟所受乃筋骨

血脉受邪各有背上五臟俞以除之傷寒一說從仲景中入風者有風論中暑者治在背脊上小腸俞中濕者治在胃俞中燥

者治在大腸俞此皆六淫客邪有餘之病皆瀉其背之膈俞若病人傳變有虛有實各隨病之傳變補瀉不足治只在背膈

俞 另有上熱下寒經曰陰精在陽者當微陽引陰以清其去經脈經之血若陰中火旺上熱下寒不熱而充者先去五臟之血絡引而下行天氣降下則下寒之病自去矣慎勿獨瀉其六陽此病陽亢乃陰火之邪滋之只去陰火只損脈絡經隧之邪勿悞也陽病在陰者當從陰引陽是水穀之寒熱感則害人六腑又曰飲食失節又勞役形質陰火乘於坤土之中致穀氣榮氣胃氣清氣元氣不得上升滋于六腑之陽氣是五臟之氣先絕于外外者天也下流伏于坤土陰火之中皆先由喜怒悲憂恐為五賊所傷而後胃氣不行勞役飲食不節繼之則元氣乃傷當從胃合三里穴中推而揚之以伸元氣故曰從陰引陽若元氣愈不足治在腹上諸腑之募穴若傳在五臟為九竅不通隨各竅之病法其各臟之募穴於腹故曰五臟不平乃六腑元氣閉塞之所生也又曰五臟不和九竅不通皆陽氣不足陰氣有餘故曰陽不勝其陰凡治腹之募皆為元氣不足從陰引陽勿悞也若錯補四末之俞錯瀉四末之榮錯瀉者差尤甚矣按岐伯所說只取穴于天上者人之背土五臟六腑之俞豈有生者乎興言及此寒心切骨若六淫客邪及上熱下寒筋骨皮肉血脈之病錯取穴于胃之合及諸腹之募者必危亦岐伯之言下上豈可不慎哉

東垣曰三焦元氣衰旺黃帝針經云上氣不足腦為之不滿耳為之苦鳴頭為之傾目為之瞑中氣不足洩便為之變腸為之苦結下氣不足則為痿厥心悶補足外踝留之

東垣曰一富者前陰臊臭又因連日飲酒腹中不和求先師治之曰夫前陰足厥陰之脈絡循陰器出其挺凡臭者心之所主散入五方為五臭入肝為臊此其一也當于肝經中瀉行間是治其本後于心經中瀉少冲乃治其標

名醫治法

瘡毒

原病式曰凡入初覺發背欲結未結亦熱腫病先用濕紙覆其上立候之其紙先乾處即是結癰頭也取大蒜切之成片如三銅錢厚安于頭上用大艾炷灸三壯即換一片蒜痛者灸至不痛不痛灸至痛時方住最要早覺早灸若一日二日十灸七活三日四日六七活五日六日三四活過七旬則不可灸若有十數頭作一處生者即大蒜用研成膏作薄餅鋪其上聚艾于蒜餅上燒之亦能活也若背上初發未腫一片中間有一片黃米頭子使用獨蒜切去兩頭取中間半寸厚安于瘡上用艾灸十四壯多至四十九壯又曰痛者灸至不痛而止謂先及其本潰所以痛次及將潰所以不痛也不痛灸至痛而止謂先及其潰所以不痛次及良肉所以痛也此癰疽初發之治也

若諸瘡久成漏者常有膿水不絕其膿不臭內無歹肉先宜用附子浸透切作太片厚二三分子瘡上者灸艾之仍服內托

之藥隔三日二日再灸之不五七次自然肌肉長滿矣至有膿水惡物漸清根深者郭氏治用白麝硫大蒜三物一處搗爛看瘡大小捻作餅子約厚三分于瘡上用艾炙二十一壯一灸一易餅子後四五日方用翠霞錠子并信效錠子互相用之紐入瘡內歹肉盡去好肉長平然後外貼收斂之約內服應病之劑調理即瘥矣

喉痺

原病式曰痺不仁也俗作閉閉塞也火主腫脹故熱客上焦而咽噤腫脹也張戴仁白手少陰少陽二脈並於喉氣熱則內結腫脹痺而不通則死後人強立八名曰單乳蛾雙乳蛾單閉喉雙閉喉子舌脹本舌脹纏喉風走馬喉閉熱氣上行故傳于喉之兩旁近外腫作以其形似是謂乳蛾一為單二為雙也其比乳蛾差小者名閉喉熱結舌下復生一舌名子舌脹熱結于舌中為之腫名本舌脹本者強而不柔和也熱結于咽喉腫繞于外且麻而且癢腫而大者名纏喉風暴發暴死者名曰走馬喉閉八名雖詳皆歸之火微者輒軟之大者下散之至于走馬喉閉生死人在反掌間砭刺出血則病已嘗治一婦人本舌脹其舌滿口令以排針銳而小者砭之五七度三日方平計所出血幾盈斗○喉閉急用吹藥刺宜少商合谷豐隆湧泉關冲

淋閉

原病式曰淋小便澀痛也熱客膀胱鬱結不能滲泄故也嚴氏曰氣淋者小便澀痛有餘澀石淋者莖中痛尿不得卒出膏淋者尿似膏出勞淋者勞倦即發痛引氣冲血淋者熱即發甚則溺血以上五淋皆用鹽炒熟填滿病人臍中却用筋頭大艾灸七壯或灸三陰交即愈

眼目

東垣曰五臟上注於目而為之精精之窠為眼骨之精為黑眼血之精為絡其氣氣之精為白眼肌肉之精為約束裏賴筋骨血氣之精而與脉並為系目者五臟六腑之精營衛魂魄之所常營也神之所主也子和曰目之五輪乃五藏六府之精華宗脉之所聚其白屬肺金肉屬脾土赤屬心火黑水神光屬腎水兼屬肝木目不因火則不病白輪變赤火乘肺也肉輪赤腫火乘脾也黑水神光被翳之乘肝與腎也赤脉貫目大自甚也凡目暴赤腫起羞明隱淚出不止暴寒目眶眶大熱之所為也宜針神庭上星顙會前頂百會翳者可立使退腫者可使立消惟小兒不可刺顙會肉分淺薄恐傷其骨目之內皆太陽膀胱之所過血多氣少目之銳眥少陽胆經血少氣多目下之網太陽小腸經也亦血多氣少目下之網陽明胃經也血氣俱多然陽明經起于目兩旁交頰中與太陽少陽交會于目惟足厥陰肝經連于目系而已故血太過者太陽陽明之實也血不及者